

INSTRUKCIJA o obavezi uvođenja softverske platforme za međubankarsko tržište novca u komercijalne banke u Bosni i Hercegovini, 01-1091/07 od 17.10.2007.

U skladu sa Odlukama Upravnog vijeća Centralne banke Bosne i Hercegovine UV broj: 256/07 od 28. maja 2007. godine i UV broj: 284/07 od 31. jula 2007. godine, guverner Centralne banke Bosne i Hercegovine donosi

**INSTRUKCIJU
o obavezi uvođenja softverske platforme za međubankarsko tržište novca u komercijalne banke u Bosni i Hercegovini**

1. Centralna banka Bosne i Hercegovine (u daljem tekstu: Centralna banka) je izvršila nabavku softvera za elektronsko međubankarsko tržište novca koji u sebi sadrži tri platforme za međubankarsku trgovinu u realnom vremenu i to: (a) trgovinu depozitima u KM, (b) trgovinu deviznim sredstvima i (c) najavu transporta i trgovinu gotovim novcem.
2. Korištenje softvera po ova tri osnova između komercijalnih banaka odvijace se po principu dobrovoljnosti, odnosno ukoliko banke ocijene da imaju potrebu za ovakvom vrstom poslovanja.
3. Korištenje softvera između Centralne banke i komercijalnih banaka je obavezujuće i to za poslove kupovine i prodaje KM, najave transporta gotovog novca i drugih poslova koje propiše Centralna banka.
4. Radi realizacije ove instrukcije, komercijalne banke su dužne, odmah obezbijediti tehničke i ostale uslove, nakon što ih propiše Centralna banka i o tome ih pravovremeno obavijesti, pismenim putem i/ili putem web stranice Centralne banke.
5. Uvođenjem u funkciju softverske platforme za međubankarsko tržište novca, dosadašnji načini komunikacije između Centralne banke i komercijalnih banaka za najave kupovine i prodaje KM i za najave transporta gotovog novca (telefaks, kriptovanje) koristiće se kao rezervni načini komunikacije.
6. Centralna banka, nakon svih potrebnih instalacija i testiranja, donijeće Uputstvo o načinu obavljanja navedenih poslova u uslovima primjene softverske platforme za međubankarsko tržište novca i odrediti datum početka rada uživo.
7. Ova instrukcija stupa na snagu danom donošenja.

G U V E R N E R
mr Kemal Kozarić